

**Talamdan sa
Mga Mensahe alang sa Full-time Training
sa Spring Term sa 2025**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
EFESO**

Mensahe 3

**Mga Patay diha sa Kalapasan
ug Gibuhi Pag-usa uban ni Cristo**

Basahong Kasulatan: Efe. 2:1-10

I. “Mga patay...mo sa inyong kalapasan ug kasal-anan”—Efe. 2:1:

- A. Ang kalapasan mga buhat nga nilapas na sa atong mga katungod, ug ang kasal-anan daotang mga buhat.
- B. Sa wala pa ta maluwas, mga patay ta—v. 1:
 - 1. Nagpasabot ang *patay* sa pagkapatay sa atong espiritu, nga nikuyanap sa tibuok natong pagkatawo.
 - 2. Sa pagkapatay nato diha sa kalapasan ug kasal-anan, nawad-an ta sa kagamitan nga makapakontak nato sa Dios:
 - a. Giwagtang sa espirituhanong kamatayon ang kagamitan sa atong espiritu—2 Tim. 4:22a.
 - b. Bisan unsa pa ta kaaktibo sa atong lawas ug kalag, patay ta sa atong espiritu, dili mausa sa Dios ug dili makapakig-ambitay Niya.
 - 3. Kay mga patay man ta diha sa atong kalapasan ug kasal-anan, “[naggawi ta] kaniadto uyon sa panahon ning kalibotana, uyon sa magbubuot sa pagbulot-an sa kahanginan, sa espiritu nga naglihok karon diha sa mga anak nga masupilon”—Efe. 2:2.
 - 4. Nagpasabot ang *ning kalibotana* sa satanasnong sistema, nga hinimo sa daghang panahon—4:14.
 - 5. Nagpasabot ang *panahon* dinhi sa usa ka bahin, seksyon, aspeto sa kasamtangan ug modernong hitsura sa sistema ni Satanas, nga gigamit niya sa pag-ilog ug pag-okupar sa mga tawo ug pagpalayo kanila sa Dios ug sa Iyang tuyo—6:12.
- C. Ang *espiritu* (2:2), nga kaabay sa *pagbulot-an sa kahanginan*, nagpasabot sa hiniusang pagbulot-an sa tanang daotang manulonda, nga si Satanas maoy magbubuot.
- D. Sa mga patay pa ta sa kalapasan ug kasal-anan, naggawi ta dili lang uyon sa panahon sa kalibotan kondili uyon sab ni Satanas, sa magbubuot sa pagbulot-an sa kahanginan, sa daotang espirituhanong gahom.
- E. Tulo ka daotang butang—ang panahon ning kalibotana nga naa sa gawas nato, ang magbubuot sa pagbulot-an sa kahanginan sa ibabaw nato ug sa sulod nato, ug ang mga pangibog sa atong unod sa hulog nga kinaiya nato—ang nagdominar sa atong kinabuhi—vv. 2-3.

II. “Sa mga patay pa ta diha sa kalapasan, nagbuhi nato pag-usa uban ni Cristo”—v. 5a:

- A. Ingon nga mga tawong patay, kinahanglan buhion ta—v. 5a:
 - 1. Ang pagpabuhi kanato maghimo nato nga makapadayag Niya.
 - 2. Gibuhi ta sa Dios uban ni Cristo sa pagpaambit Niya sa Iyang walay kataposang kinabuhi, nga si Cristo mismo (Col. 3:4), nganhi sa patay nga espiritu nato pinaagi sa Iyang Espiritu sa kinabuhi (Rom. 8:2).
 - 3. Gibuhi ta pag-usa sa Dios sa dihang gibuhi Niya si Cristo nga gilansang sa krus; busa, gibuhi ta Niya pag-usa uban ni Cristo.
- B. Tungod sa grasya nangaluwas ta—Efe. 2:5b, 8-9:
 - 1. Nagpasalamat ta sa Ginoo nga duna tay grasya pinaagi ni Jesucristo ug nga walay bayad kining grasyaha—2 Cor. 12:9a.
 - 2. Nagpasabot ang *grasya* sa Efeso 2:5 dili lang sa Dios nga walay bayad nga gipaambit kanato aron atong mapahimuslan, kondili sa buhat sab sa Dios sa walay bayad nga pagluwas kanato.
 - 3. Tungod nianang grasyaha giluwat ta gikan sa alaot natong posisyon sa kamatayon ngadto sa hilabihan kanindot nga ginsakpan sa kinabuhi—1 Cor. 15:10.

- C. Giluwas ta dili lang ingon nga mga makasasala kondili ingon nga mga tawong patay sab, ug dili lang sa pagtubos Niya kondili sa Iyang pagkabanhaw ug sa kinabuhi sa pagkabanhaw sab, ug bisan ngani sa Iyang pagkayab ug sa pagkalabaw-sa-tanan niini—Juan 11:25; 20:17:
1. Kini ang labaw-sa-tanan nga kaluwasan nga gihatag sa patayng mga makasasala sa nagpakatawo, gilansang sa krus, nabanhaw, ug nikayab nga Cristo, nga pagkalawas mismo sa nahikay nga Tulo-usang Dios—11:25; Efe. 4:8-10.
 2. Nagpahimugso kanang kaluwasana sa iglesia isip lugwa sa nahikay nga Diosnong Trinidad nga magpadayag Niya—2 Cor. 13:14.
- D. “Ug nagbanhaw nato pag-usa uban Niya ug nagpalingkod nato pag-usa uban Niya sa kalangitan diha ni Cristo Jesus”—Efe. 2:6:
1. Ang pagbuhi kanato maoy unang lakang sa kaluwasan sa Dios diha sa kinabuhi; human niini, gibanhaw ta sa Dios gikan sa posisyon sa kamatayon.
 2. Ang ikatulong lakang sa kaluwasan sa Dios diha sa kinabuhi pagpalingkod man kanato pag-usa sa kalangitan—v. 6.
 3. Dili lang nga gibanhaw ta sa Dios gikan sa posisyon sa kamatayon, kondili gipalingkod sab ta Niya sa kinalabwang dapit sa uniberso—1:19-21; 2:6.
 4. Ang kalangitan maoy kinalabwang posisyon, ug nganha niini giluwat ta diha ni Cristo—v. 6:
 - a. Sa basahon sa Efeso, giluwat ta ni Cristo nga atong kinabuhi nganha sa posisyon nga labaw ta sa tanang kaaway sa Dios—v. 6.
 - b. Dinhi ning langitnong kahimtangan, nga dunay langitnong kinaiya ug langitnong ilhanan, langitnong katawhan ta—1:3, 20; 3:10; 6:12.
 5. Diha man ni Cristo nga gipalingkod tang tanan pag-usa sa Dios, kas-a ug hangtod na sa dayon, sa kalangitan—2:6:
 - a. Nahuman kini sa pagkayab ni Cristo sa mga langit, ug giaplikar kini kanato sa Espiritu ni Cristo sukad sa pagtuo nato Kaniya—Juan 20:17; Efe. 4:8-10.
 - b. Maamgohan ug masinati nato karon kining realidara diha sa atong espiritu tungod sa pagtuo sa nahuman na nga kamatuoran.
 6. “Aron ikapasundayag Niya sa kapanahonang moabot ang labaw gyod nga kadato sa Iyang grasya diha sa kalulot nganhi nato diha ni Cristo Jesus”—2:7:
 - a. Ang pagpasundayag, pagpasundayag man sa tibuok uniberso.
 - b. Ang kapanahonan mao ang kapanahonan sa millennium ug sa umalabot nga eternidad.
 - c. Ang kalulot pagkamaayo nga gikan sa kaluoy ug paghigugma.
 - d. Ang Dios, nga madagayaon sa kaluoy, tungod sa Iyang dakong gugma nga gihigugma Niya kanato, malulot kaayo kanato—v. 4.
 7. “Kay obra maestra ta Niya, nga gilalang diha ni Cristo Jesus”—v. 10a:
 - a. Motuo gyod ta sa kamatuoran nga diha ni Cristo Jesus obra maestra ta sa Dios.
 - b. Nagbuhat ang Dios og daghang butang, apan walay usa niini nga sama kahiligugmaon, kahamili, kabililhon, ug katilinguhaon sa iglesia—Mat. 16:18; Efe. 1:22; 3:10.
 - c. Usa ra ka butang sa buhat sa Dios sa uniberso ang obra maestra Niya, ug kining obra maestra mao ang iglesia.
 - d. Ingon nga obra maestra sa Dios, ang iglesia nga Lawas ni Cristo, mao ang kahupnganan Niya nga nagpuno sa tanan diha sa tanan—1:23.